

陽曲縣志

卷之十四

列女列傳

12780

160115

3611

部一八

列女列傳

陽曲縣志卷十四

列女之名昉於劉向曹昭重其學蔡姬著其才凡閨範之足爲法鑒者必採之非僅傳貞節也今志以賢媛列首而節孝貞烈次之亦劉向之遺意云

賢媛

北魏

王氏辛少雍妻有德義少雍與從弟懷仁同居懷仁等事

之甚謹閨門禮讓入無間言士大夫以此稱美

府志

唐盧氏狄梁公之堂姨也居午橋南別墅盧有一子狄曰某今爲相表弟有何所欲願悉圖之婦曰老身止有此子不

陽曲縣志

卷十四

列女列傳

一

欲其事女主狄慚而退

戴志

明貞髦君傅徵君山之母也容城孫鍾元誌其墓曰姓陳氏父勗忻州諸生十七歲歸檀孟先生爲傅氏婦舅叅議公御家頗嚴諸婦中獨以勤慎著生子三長庚諸生先卒次卽山甲申後以道人稱三止舊太學生甲申之變山棄家而旅隨所寓奉母往母絕不以舊業介意沙蓬苦苣怡然安之甲午山以蜚語下獄禍且不測從山遊者僉議申救貞髦君曰道人兒應有今日事卽死亦分不必救也逾年山出獄見母母不甚悲亦不甚喜頷之而已嗚乎此母之

達識何如也貞髦君內美純備不能詳述述此一節亦可
以告後世矣壽至八十四歲卒於松莊之僑舍其曰貞髦
君山之友蹟其行與年私稱之者也

截錄孫傳
新增

李氏推官韓彰繼妻先娶張氏遺子紹李生子紘氏遇紹有
恩衣服飲食常加於紘紘愠氏叱曰爾有母而彼無母爾
欲使我作蘆絮婦耶紘登甲第兩典州郡咸謂賢母之報

云

戴志

國朝梁氏蕭全妻二十三歲無子夫久出無音耗家僅薄田
十畝氏資鍼術養孀姑繼聞其夫客死於外暗泣不敢告

陽曲縣志

卷十四

列女列傳

二

姑知或慰之氏輒變容姑歿嚮衣質地而葬

徐氏北留村裴挺妻十七適裴舅日在醉鄉氏事之惟謹舅
歿挺兄弟皆外出而嫂亦別居惟氏以事姑爲任子有腿
疾治甫愈而嫂歿遺孤三歲方勤撫字而姑又病艱窘萬
狀日夜勤女紅奉姑撫子與姪不少怠姑歿夫返旋偕子
外出父子俱歿於塞外一慟幾絕念幼姪尙延宗祀強起
撫字不衰

彭氏東黃水鄭嘉謨妻繼姑性嚴厲事之彌謹姑病三載侍
奉有常所居西堡有井族姓修屋塞之幾成訟氏勸夫於

已地穿井堡人得汲而訟息又有族將鬻妻者給以錢粟得完聚子祥書課徒堡中戒曰誤人子弟大損德盡心課徒卽汝之孝也

劉氏知府馮思忠妻孝謹端莊姑吳氏病篤囑氏曰我病不起遺此兩月兒善撫之氏泣諾姑卒氏抱幼叔自乳哺而以己女出就外乳卒撫之成立叔名思賢今六十九歲猶常念其恩誼爲之流涕云又充氏思忠妾思忠患奇疾醫曰藥非人肉不效充聞之潛割股肉和藥以進值盛夏數日刀口腐臭逼人劉覺急醫之言於思忠曰有妾如是我不及也思歿充與劉並矢貞守卒年三十四妻妾如劉充亦足風已

王氏馬家坡馬殿妻年二十二歲家貧無子夫遠出久無音耗事重慶以婦代子姑歿遺二子俱幼氏夙夜勤女紅以資撫育及長皆力營與之成室兩叔亦事嫂如母家門雍穆歷五十餘年如一日閭里重之卒年七十六歲而夫終未歸賣志以歿亦足悲夫

阮氏盧芳妻十五歸盧歸之日六禮甫成而芳卽遠遁家人覓之不得嗣聞其披剃於京西之檀柘寺卒不歸氏事翁

姑恪盡婦道終身矢志靡他卒年六十八歲

附大年七人夫坤道柔順利貞而厚德乃可載福謂非

熙朝之人瑞與

彭氏狄村楊國孝妻武進士廷詔之曾祖母生於明天啓二
年康熙五十六年慶百歲五十八年得元孫壽享百有二
歲

旌表建坊

任氏庠生楊芳聲妻廷詔祖母亦壽躋百齡姑媳同登大年
任氏並詳節孝

陽曲縣志

卷十四

列女列傳

四

張氏王汝霖妻九十五歲親見五世

王氏馬家坡馬述丕妻親見五世

阮氏田潤妻八十四歲親見五世

石氏小棗溝趙珩妻七十九歲得元孫家門雍睦五世一堂

賈氏石慎修妻夫九十餘卒氏年九十四歲四世一堂

舊志節烈元三人明四十九人新增一人

元申氏安氏李宏益妻至正中賊陷冀寧申語宏益曰君速
去勿以我爲累言訖投井死又娶安氏居二載宏益卒安
泣曰夫死我生何益膏櫛自縊於柩旁

張氏王思忠妻早寡亦以死從夫事聞褒表

府志

明王氏太原左衛百戶李雄妻洪武間雄歿於陣氏年十九聞訃哀號欲絕撫孤守節歷五十餘年士大夫表其門曰

忠節

楊氏賈文遠妻夫亡仰事俯育志行無玷洪武年旌表 郝

氏董榮妻 馮氏董三漢妻皆少寡守節宣德年旌表

朱氏胡源妻奉姑撫子守節二十五年正統年旌表

趙氏郡庠生蘭景昌妻字慧寶太原右衛小旗旺女年十八夫以疾卒氏乃盡斂其妝奩於姑曰妾守空房恐啓穿窬

陽曲縣志

卷十四

列女列傳

五

心復給其母回家爲夫辦祭母諾氏伺間縊於棺側殯日雙柩並行見者泣下成化初有司上其事旌表曰貞烈復其家

鄭氏百戶陳義妻字淑英頗讀書幼聞父談節孝事輒曰是在人自盡耳長適義無何義出戍卒於邊喪歸啓棺浴而殮之撫尸慟絕數四勺水不入口者七日曰吾前已約吾夫矣遂縊於室與上趙氏邑侍郎張頤立傳

羅氏千戶張斌妾生子鑑甫八月斌卒清操自勵訓鑑有成董氏鄒鑑妻名貞生子溥而鑑亡四日不食決志殉夫所親

勸之曰從夫義也其如舅姑藐孤何氏領之既殯終身蔬
素紡績溥長娶婦王氏生子慶未期溥亡壬年二十一守
節如姑士大夫旌曰雙節

王氏張永相妻少師恭襄公妹少聰慧好讀書及笄適相恂
恂類貧家女未抱子勸相納妾韓氏生子多疾王撫之五
歲尚口哺相亡延師教之王熟於尚書每口授以廣其業
脫簪珥爲市書御史魏希相爲文頌其賢

武氏郡庠生王相妻相亡三子俱幼忍死撫孤歷五十餘年
子佐封河南道御史孫立賢太僕寺卿曾孫元雅遵化巡

陽曲縣志

卷十四

列女列傳

六

撫子孫繩繩門祚熾昌

臧氏張鈇妻年二十三夫亡自縊以殉

鈇省郡志作鐫

王氏牛氏郭憲妻嘉靖間北兵入犯王被掠不屈遂遇害繼
娶牛氏憲亡散遺資於親族不食十有四日而死

鄭氏王天倫妻年二十三夫亡編素撫孤節操自矢時弟妻
朱氏亦孀居共處五十年事姑奉祭無違禮巡撫黃疏表
其門曰雙節聯芳

彭氏庠生郭應元妻通列女傳工細書夫亡無子苦節以終
劉氏張棟妻年二十夫亡苦守遺子登雲登選撫訓成立

施氏千戶潘政妻夫亡年少子幼甘貧守志子姪四世同居
皆氏撫訓孫高登進士仕至布政司叅議

王氏襲千戶潘潤妻年十九夫亡讓厚產甘淡泊孀居三十
餘年題請旌表

郭氏蘭州知州李鈞妻年二十夫亡抱孤天資泣曰死易立
孤難忍死茹苦撫孤成立天資婦張氏甫妊而天資亡遺
孫化龍甫歲張亦亡氏百方呵護卒撫幼孫有成題請旌
表

杜氏朱知饜妻通判纘字女家貧無子年十九夫亡喪不能

陽曲縣志

卷十四

列女列傳

七

舉盡鬻衣物以殮潛自縊姑覺救免孀居三十餘載女紅
養姑官給匾旌表

趙氏錢益謙妻夫亡子在襁女幼舅姑燹獨幾絕氏孝親撫
孤教子利用沖齡食餼學使獎之利用後以歲貢授藍田
縣丞

張氏庠生劉一龍妻年二十三夫亡子芝在襁孀居三十餘
年食貧課子艱苦萬狀芝讀書樹立以選貢官彰德通判
趙氏羅江四妻夫逝撫二子成立孫萬象入學守節五十餘
年八十餘歲卒

張氏秦世登妻年十九夫亡家貧守節六十餘年邑令宋文康題請旌表 吳氏秦世賢妻夫亡誓不二天貧無以給通儒書及內典課甥與姪苦守年八十六終

胡氏陝西布理問李維翰妻翰卒於官氏扶櫬歸有遺腹祝曰夫弟四俱絕願天畀一子以延宗祀果得男芳桂氏課之卒登賢書孫丕承廩生邑令宋文康表其閭邑舉人尙時彥立傳

李氏郡庠生傅襄妻太原孝廉中馥女年十九無子襄遭疾氏廢寢食期以死殉及襄卒婦獨臥棺下無所怖但食杏

陽曲縣志

卷十四

列女列傳

八

子衆覺急解以藥氏閉口不得進嚮重堂俯伏日暮竟死時當盛夏越三日始殮而顏色如生青蠅不集若有鬼神陰相之者邑令范表其節昭餘戴廷杖立傳

截錄本傳

陳氏叅將朱國昌妻早寡食貧守志課子萬壽領鄉薦

張氏藁城令劉世遠妻夫卒扶櫬歸守節撫三子成立請旌高氏崔九德妻嫠居四十六載課子入邑庠請旌

劉氏張彥明妻早寡貧無子女其兄勸改適氏厲聲曰本望成我志而反出此言耶遂與兄絕歲屢歉益窘日號泣隣媪微諷之氏曰志豈有他恨不與夫同斃耳年八十餘終

孔氏庠生陳見妻孀居二十載冰操嚼然闖賊破城掠其家罵不絕口遂被害媳朱氏孫性福孫女長庚俱投井死

范氏庠生裴潤妻雍熙居士之女也通詩書及笄歸潤事舅姑孝夫亡欲以死殉遺子侍御希度甫五齡諸子女尙在襁褓稱未亡人咏妾心井中水波瀾誓不起之句以矢茹藥和丸教侍御及希度聯捷南宮授堂邑令時以潔己報國告勉未幾寇警戒嚴范曰存亡視此城卒保完堞既而入主工部政尋改御史以母節聞方議旌表會甲申寇薄太原城將陷氏抱幼孫避於別墅囑幼孫於老僕投井死

陽曲縣志

卷十四

列女列傳

九

年六十八侍御在都聞變奔歸捨別墅爲招提卽今北報

恩寺聞喜翟方伯鳳翥傳

截翟傳

柴氏郝堯宰妻夫亡撫二子一女值城陷氏匿地窖中有讎家引賊入窖氏以鐵器自擊其額而死

陳氏王紘妻紘歿子志正五歲姑樊氏哭紘幾不欲生氏忍慟慰解曰婦誓奉姑終身以撫此子家貧業蠶織以供甘旨歷十五載姑歿氏曰吾事畢矣值城陷不食死人謂孝慈節烈氏兼有焉後志正登賢書

張氏蒲城令朱新甄妻賊陷城被執給賊同婢取貲財乘間

投井死

於氏孝廉朱萬壽妻賊陷城羣婦走匿夾牆氏失後衆以爲必獲於賊矣賊退得屍井中兩脅有刀痕中衣繩縛數匝見者歎爲眞烈婦

黃氏靜海令崔嗣遠妻賊陷城率其子婦於氏崔氏孫女全姐婢春玉同死一井

萬氏李廷佐妻孀居二十餘載城破攜甥女西姐死於井

任氏昭信校尉李時春妻撫子希廣守節四十餘年年八十有一賊入城盡驅百姓於晉府前曰清街氏時在紅四牌

陽曲縣志

卷十四

列女列傳

十

樓罵賊觸石死子希廣武進士

朱氏孝廉李桂芳妻城陷驅侍婢並所生幼女俱投井死子丕承邑廩生

程氏武纘妻城破自縊其姪女投井死

李氏庠生聶輝妻爲闖寇所迫投井水淺不得死寇欲出之氏以頭濡水死

康氏庠生秦謙妻聞闖陷城語其夫曰脫被辱何顏見君登樓自勒死蒙旌入祠

郝氏朱慎錄妻 高氏貢士侯三捷妻 周氏庠生萬福德

妻闖賊陷城三人俱投井死

陳氏興縣右屯衛經歷張雲鴻妻少習女箴明大義雲鴻宦遊於外氏紡績教子家祚讀書入邑庠甲申闖賊攻城迫家祚妻李氏先期縊陳忻然曰吾有媳矣翼日晨起投井死 舊志缺

舊志前明節婦旌表而無傳者十人

楊氏劉源妻 李氏馬應龍妻 梁氏三滿妻 姓失 翟氏

裴 某妻 名失 陳氏叅將朱李喬妻 李氏郭雁龍妻

李氏生員于芝妻 趙氏 夫無 王氏衛百戶李郡妻

陽曲縣志 卷十四 列女列傳

李氏宗室子妻

舊郡邑兩志

國朝節婦二十三人

任氏庠生楊芳聲妻年二十九夫亡任以婦代子以母兼師喪葬無違禮孀居七十餘載壽躋百齡康熙五十九年

旌表

趙氏尙見帝妻夫亡矢死姑舅諭之曰撫爾孤成立夫不死

矣氏領之勤苦操作歷五十六年子浩領武鄉薦雍正五

年

旌表

榮氏丈子頭村馬鵬鴻妻夫亡守節撫子成立雍正六年

旌表

張氏馬南都李廷翼妻貢生杭之母也年十八夫亡子杭在

襁撫育成立後以孫正陽衛千總贈宜人卒年七十七歲

乾隆十一年

旌表

孫氏楊祥妻夫亡仰事俯育孝慈兼至乾隆十一年

旌表

陽曲縣志

卷十四

列女列傳

十二

郝氏賈需妻守節撫孤四十餘年乾隆十三年

旌表

孫氏北鄭村徐典妻夫亡撫二孤慈嚴並至次子暨孫皆入

庠卒年七十三歲乾隆十四年

旌表

秦氏陳功妻甲申功殉難家徒壁立氏隻身操作仰事俯育

苦節二十餘年而卒

張氏左衛甯守愚妻夫亡遺幼子三與孀居項氏守志撫孤

姑歿獨力營葬內外稱賢城陷次子繩宗投井死季子纘

宗以諸生從征姜逆授餘千令氏以大耄終

張氏庠生畢景徵妻夫亡子幼守節撫孤四十年如一日

韓氏李貞妻夫亡家貧女紅自給年七十六終

凌氏尹承忠妻夫亡矢志課子有成

馬氏成仕妻布政諫女年十七夫亡立幼姪爲嗣孀居六十

五年壽八十二卒

張氏郭應選妻選失足墜井死氏年十九父母令改適氏曰

夫亡不忍獨生但有翁姑與藐孤在奚言嫁耶無何子亦

亡復撫三孫艱苦備嘗壽八十餘卒

陽曲縣志

卷十四

列女列傳

十三

郭氏白明妻少寡督耕課子好施予有餘率周貧乏守節五

十餘年卒

於氏庠生張士美妻年十九夫亡父母欲奪而嫁之氏斷髮

矢志尋卒鄉人立節婦碑表之

張氏王民崑妻夫病篤以老親稚子爲囑氏指天自誓願減

己算以代崑歿事親以孝聞課二子諗璧皆入泮

楊氏孟孫蕙妻年十八夫亡無子欲以死殉姑慰止之尋以

哀毀成疾父延醫視之辭曰兒死晚矣不受醫而卒邑令

戴旌之

蔚氏庠生邢惟恆妻年十八夫亡孝親教子歷二十餘年卒
子溥入庠准貢氏猶及見云

喬氏賈登仕妻夫亡遺孤六歲姑老且病貧不聊生氏自茹
糠菜而以甘旨奉姑守節五十九年教子仲孫守成皆成

端士

尚氏李宮齡妻夫亡矢死衆以撫孤慰止之宮齡有姪甲幼
失怙恃賴氏撫養既而氏子不育又欲酬前誓衆曰汝亡
弱姪亦亡得不以宗祀爲念乎卒撫姪成立孫嗣繁衍年
七十一終當事旌其門

陽曲縣志

卷十四

列女列傳

十四

曾氏武生張隨嘉妻嘉久出不歸家赤貧氏撫子女三習女
紅餬口子女相繼歿或勸他適泣曰吾夫生死未卜忍而
再醮翁姑之遺墓誰祀卒苦志以守

賈氏上薛村張宏緒妻夫亡子幼翁姑在堂仰事俯育備極
艱辛乾隆十八年

旌表

府志節婦無事實者二十二入

武氏殷鑑妻 李氏梁棟妻 盧氏賈鉉妻 任氏炭良棟
妻 慕氏劉國暄妻 張氏侯貴妻 阮氏李艷妻 孫

氏劉錫妻 史氏張玠妻 蕭氏趙鍾秀妻 郭氏王春

元妻 馮氏庠生吳瑛妻 薛氏崔世藩妻 武氏生員

羅麟瑛妻 李氏王蒞妻 以上守節 蒙旌 李氏岳生智妻

康氏王玉環妻 陳氏傅榮妻 武氏謝俊妻 劉氏李

昌妻 ○氏宋發富妻 ○氏王瑞妻 氏姓無考 以上死節 蒙旌

新志節婦

查節婦年逾五十或節逾十五載而歿蓋棺論定例得請旌綽楔既榮則志乘宜先窮簷小戶曾奉 憲給匾旌門者

亦以次列之餘凡採訪中有表異出眾者以傳著之其或

陽曲縣志 卷十四 列女列傳 十五

事跡略同則皆分類彙書以省篇幘若夫苦節生存含芳未耀法雖定於蓋棺義實取乎砥俗錄附編末以俟方來

旌表五十一人內給匾旌門二十二二人

梁氏楊家村劉德妻年二十四守節家貧孝親撫孤八十三歲終康熙三十年邑令劉旌其門

張氏呼延村白煥梅妻年十九夫亡子玉山甫周歲氏孝親

撫孤歷四十餘年雍正壬子年

旌表

榮氏連家嶺連文耀妻年二十二守節撫孤雍正壬子邑令

盛旌其節

張氏北鄭村徐樹本妻年二十五夫亡無子矢柏舟操卒年七十三乾隆三十五年邑令馮旌其節

靳氏本城馮天禧妻年二十五家貧守節以女紅奉姑課子乾隆四十五年

旌表

徐氏張青文妻年二十七家貧夫歿於閩事孀姑撫幼子無膏油繼晷常望月紡績乾隆四十六年

旌表入祠

陽曲縣志

卷十四

列女列傳

十六

閻氏大川都靳貴連妻年二十一守節事親撫孤六十二歲卒子大業武生乾隆四十六年

旌表建坊

季氏西高莊李瓚妻乾隆二十八年守節孝翁姑撫幼叔五十四年

旌表建坊

任氏丈子頭村庠生馬煥妻守節撫孤乾隆五十六年邑令

胡旌其門

賈氏閻威俊妻年二十八夫亡撫姪爲嗣守節四十七載乾

隆五十八年

旌表

劉氏下陽寨曹元妻年二十六守節家貧親老遺子四齡仰
事俯育孝慈兼盡乾隆五十九年

旌表入祠

馬氏廩生張映奎妻莊節公瓌妹年二十三夫亡遺孤廷錫
周歲矢志守節事翁姑以孝聞撫孤慈嚴並至苦歷四十
餘載乾隆六十年

旌表入祠廷錫以廩貢官榮河教諭氏六十七歲終於任所

陽曲縣志

卷十四

列女列傳

十七

河東觀察劉大觀題其路碑曰不負所天

徐氏尹鈞妻年二十八夫亡矢志孝親撫孤萬里成立乾隆
六十年學憲戈表其門卒年七十六歲

李氏季鳳翮妻年十九夫亡子未周歲氏屏去簪珥養親撫
孤備歷艱苦嘉慶五年

旌表建坊

孫氏馬薰妻年十九薰歿家貧乏嗣柏舟自矢八十九歲卒
嘉慶五年撫憲白旌之

張氏劉梧妻年二十五夫亡無子苦節五十年七十五歲卒

嘉慶五年撫憲白旌之

路氏喬嵒妻乾隆甲申年守節卒年七十九歲嘉慶五年

旌表入祠

王氏橫渠村劉存仁妻年二十三夫亡子濬甫四歲事孀姑

能得懽心教濬有方卒年七十六歲嘉慶六年

旌表建坊

王氏張衍祚妻年二十七夫亡子燮五齡家貧鍼術度日訓

子有方卒年六十五歲嘉慶八年

旌表入祠燮庚午舉人

陽曲縣志

卷十四

列女列傳

十八

王氏窰子村慕永興妻年十九夫亡孝親撫孤卒年七十歲

嘉慶九年

旌表建坊

慕氏馬坡頭李絡統妻年二十三守節八十五歲終嘉慶十

三年黃學憲表其門

王氏陽曲灣馬藻妻年二十三夫亡遺孤三歲勤女紅以資

事育翁姑歿遺一幼叔教養無異其子甘貧守節嘉慶十

四年

旌表時年七十八歲

武氏親賢村趙希蘭妻年二十七夫亡及身三世孀居苦志奉養親見孫曾成立卒年九十六歲嘉慶十四年

旌表

侯氏太學生張天德妻十九適張夫亡無子矢節不二撫姪永年爲嗣壽七十餘歲嘉慶十四年

旌表建坊

馬氏蘭岡村郭秀實妻年二十六家貧守節事親撫孤卒年八十七歲督學黃以松貞芝茂旌其門

史氏大孟鎮楊漢光妻年二十四撫孤守節七十七歲卒○

陽曲縣志

卷十四

列女列傳

十九

榮氏史本榮妻年十九孀撫遺腹子苦守五十一歲卒○
王氏趙枚妻守節七十五歲卒其媳慕氏養元妻年二十一孀六十八歲卒四節同鎮人嘉慶年督學黃先後表其

閭

康氏河口村閻士達妻夫亡遺子天佑天仁氏侍奉舅姑無慙婦道撫育子女聿著母儀嘉慶十五年督學黃旌其門
曰節備孝慈時八十三歲

郭氏翟村王煥妻年十八守節言笑不苟孝事舅姑立幼姪文玉爲嗣撫育成人嘉慶二十年

旌表時七十五歲

白氏高村張高第妻年三十夫故翁姑在堂遺三歲孤竭力

侍奉撫育六十二歲卒嘉慶二十一年

旌表

王氏趙廷誌妻年二十五夫亡遺孤溶甫兩月矢志撫育溶

娶胡氏遽歿立堂姪潔子丞承爲嗣 常氏廷鐸妻年二

十二夫亡遺孤滋甫四月撫之成立滋後歿無子立堂姪

潔爲嗣嘉慶二十四年與王氏同時

旌表建坊

陽曲縣志

卷十四

列女列傳

二十

鄭氏陳家窰陳士揚妻年二十三守節撫姪玉蘭爲嗣時年

八十一歲 秦氏西村李法源妻年二十七夫亡家貧事

孀姑撫幼子備極艱辛卒年八十一歲嘉慶二十四年與

鄭氏均蒙督學賀旌其門

郭氏北山頭薄玉珠妻年三十歲守節時年九十一歲 張

氏圪梁村崔臨汾妻二十歲守節時年六十五歲皆事親

撫孤孝慈並至嘉慶年督學陳先後旌其閭

郝氏王瓚妻年二十八守節事舅姑以孝聞撫子成立道光

元年

旌表

明氏景莊村趙明元繼妻年十八夫亡矢志撫孤道光二年
督學龍表其門卒年七十八歲

任氏張洛妻年二十二守節撫姪克均爲嗣道光四年
旌表建坊

常氏蘇天德妻年二十五守節事舅姑能得歡心撫幼子訓
遺腹子謨井井有方 韓氏常永盛妻年二十三守節撫
族姪哲爲嗣歷四十餘年如一日二氏於道光六年同時
旌表

陽曲縣志

卷十四

列女列傳

二十一

劉氏李浩妻年二十七守節遺孤潤吾六歲家貧女紅自給
苦守三十餘載道光八年

旌表

耿氏河口都艾去病妻年二十守節撫兄子爲嗣愛同己出
苦志三十餘年道光八年

旌表入祠

裘氏盧學海妻年二十八守節無子卒年五十七歲道光八
年

旌表入祠

王氏國學生岳臨魯妻年二十九夫亡矢志奉姑教子道光九年督學李旌之

張氏青龍鎮王浚側室事浚與嫡惟謹生三子嫡亡浚以其賢不更娶浚歿其子長次亦俱殤張撫幼子居中成立至今子孫蕃衍居中援例中書以孫謙千總職加級贈宜人卒年八十四歲道光十一年

旌表建坊

金氏東黃水鄭超謀妻年二十八守節子幼親老每姑病日夜侍側調藥不少懈苦志三十餘年道光十一年

陽曲縣志

卷十四

列女列傳

二十二

旌表

陳氏北留村庠生裴毓菱妻年二十八孀夫弟亦相繼歿時舅姑衰邁娣且病氏隻身奉養兼撫一孤兩姪心力俱瘁毫無間言暨子姪成室後居隘析爨乃三分祖業而以二與姪卒年六十八歲道光年郡守王旌其墓曰順德貞心趙氏黎園嘴村張彥妻年十七夫亡撫遺腹子景元成立八十二歲卒學憲旌其門曰緒延冰節

節孝祠有主無傳二十四人

賈氏孫世培妻 留氏劉哲妻 溫氏任佳眉妻 李氏馮

倫妻 張氏生員黃金聲妻 李氏王撫遠妻 崔氏裴
妻 楊氏李龍妻 王氏張世榮妻 李氏楊芳申妻
張氏秦肇堅妻 王氏岳 妻 劉氏楊璉妻 王氏
蔣溶妻 趙氏閻玉妻 高氏生員要全眞妻 周氏加
和鼎妻 呂氏李新春妻 白氏常統緒妻 路氏張旭
妻 汪氏王作舟妻 崔氏王大任妾 劉氏王國安妻

郭氏 夫無考

節婦五世同堂二人

張氏留莊賈生愈妻年二十六孀遺子七齡家貧矢志晚年

陽曲縣志

卷十四

列女列傳

二十三

五世一堂九十四歲終

靳氏芮城村李得春妻年二十五孀子孫振振五世一堂八
十八歲終

一門雙節兼享大年八人

周氏西張村張朝璽妻年二十五孀家貧無子資女紅以奉
孀姑蔬糠自甘姑媳皆八十六歲終

韓氏下蘭村田明府妻年二十九夫亡養親撫孤甘貧守節
子歿媳孟氏年十九撫遺腹子孝事孀姑勤女紅以資供
給韓八十九歲卒孟七十歲卒

劉氏馬紹融妻年二十七夫亡撫孤見龍成立見龍歿媳王氏年二十九遺孤崇仁六歲姑媳相依爲命安貧苦守劉六十八歲卒王八十一歲卒

呂氏佟國瑞妻年三十夫亡立族子發源爲嗣娶婦王甫生子而發源歿王撫孤以養孀姑姑慈婦孝雙節堪欽呂七十二歲卒王時六十六歲

有子甘貧苦守享大年者三人

何氏雲南人馬莊任士秀妻士秀貿易於滇南娶之二十四歲士秀病且亟子豐甫三歲士秀曰我山西人今死萬里

陽曲縣志

卷十四

列女列傳

二十四

外此呱呱者將何依乎何泣指天以歸籍誓士秀卒母家力勸寄籍氏曰吾烏能負泉下人旣而士秀姪赴滇奔喪何毅然棄貲財偕姪扶櫬登程舟次遇賊何以鐵銃擊退比歸持家撫子勤苦自甘歷四十五年如一日卒年六十九歲

關氏加汝爵妾其嫡王氏有女適張門忽得顛疾子廷材廷彬尙幼關代鞠育之汝爵亡關年二十八有逼之再醮者誓不二倚王氏子苦守以終壽八十二廷彬禮葬之

武氏下陽寨王財妻年二十七夫亡遺孤二鬻薄田數畝葬

夫會娣亡夫弟欲送遺子爲僧力阻之與已孤同撫無異
勤女紅夜不能燈恆傍爐火取明八十四歲終

無子苦守享大年者十人

趙氏徐瑛妻二十七歲守節九十九歲卒 楊氏靳國棟妻

二十二歲守節八十四歲卒 郭氏馬家坡馬述銀妻二

十七歲守節八十歲卒 樊氏趙莊閻保妻十九歲守節

七十二歲卒 劉氏段開運妻二十七歲守節七十八歲

卒 陳氏大屯莊王保祥妻二十四歲守節七十三歲卒

王氏李宏仁妻十五歸李夫歿無子孝事孀姑因姑病

陽曲縣志

卷十四

列女列傳

二十五

終身持齋年七十無病而終 李氏楊家村劉全孝妻二

十二歲守節無子矢志孝養終身不渝七十餘歲卒 張

氏霍良楫妻三十歲守節七十五歲卒 王氏上薛村牛

文英妻二十三歲守節七十二歲卒里人旌其門

女紅度日養親撫孤享大年者十五人

郭氏祿古嘴劉若芝妻二十八歲守節九十二歲卒 王氏

辛村劉庶妻二十六歲守節八十六歲卒 郝氏尹家溝

詹喜妻二十九歲守節姑孀而瞽氏以鍼術供事八十七

歲卒 梁氏郭相妻二十二歲守節八十五歲卒 徐氏

武舉宋琳妻二十八歲守節九十二歲卒子良輔武生

邢氏馬莊王佐妻二十五歲守節八十一歲卒 白氏安

滿妻二十歲守節八十二歲卒 王氏天門關王士琳妻

二十八歲守節八十三歲卒 王氏張松齡妻年二十九

守節八十二歲卒 張氏庠生盧湛妻二十九歲守節事

親以孝聞姑歿翁癱患臥床七載晝夜服事無少懈八十

五歲卒 白氏郭安福妻二十歲守節居常以禮自持安

福諸弟事之如母祖姑臥床八載事之無少懈八十三歲

卒 張氏常苞麗繼妻三十歲守節七十六歲卒 張氏

陽曲縣志

卷十四

列女列傳

二十六

庠生劉鳳翔妻二十七歲守節七十七歲卒 王氏凌井

村武安國妻二十四歲守節孝親撫子七十一歲卒 秦

氏陽曲灣李滿室妻二十一歲守節撫孤孝親備極艱苦

七十歲卒

苦節撫孤享大年者三十六人

閻氏曹坪弓成貴妻二十七歲守節子媳歿撫孫成立夫家

累世單傳而宗祧賴以不墜者氏之力也生平嚴正自持

鄉里敬之八十三歲卒 武氏中社村康森宏妻二十六

歲守節八十五歲卒 王氏石城村曹自貴妻二十五歲

守節八十五歲卒 袁氏西莊孫兆周妻二十六歲守節
時夫弟六歲孤三歲力貧撫育後俱成立八十三歲卒

李氏三給村楊培妻二十九歲守節家貧子周歲七十九
歲卒 張氏向陽鎮高廣哲妻二十九歲守節七十七歲

卒 同鎮趙氏吏員潘遜妻二十一歲守節既而子婦皆
歿撫遺孫備歷艱辛七十九歲卒 王氏水泉溝梁貴妻

二十二歲守節七十五歲卒 慕氏大孟鎮庠生榮永年
妻二十三歲守節八十六歲卒 李氏向陽鎮高存孝妻

二十八歲守節八十七歲卒 田氏麥坪村郝存金妻二

十八歲守節八十七歲卒 屈氏小聚溝盧士宏妻二十

二歲守節子卒撫孫八十四歲卒 任氏馬莊庠生高爾

居妻三十歲守節撫孤備歷艱辛八十八歲卒 王氏劉

璵妻二十九歲守節子女皆弱齡甘貧苦守冬日虛窗隙

以勤女紅八十一歲卒 周氏大東流村許海珍妻十八

歲守節八十二歲卒 車氏喬松年妻二十三歲撫遺腹

子守節八十三歲卒 楊氏大孟鎮監生史掌典妻三十

歲撫遺腹子守節八十六歲卒 周氏李紱繼妻二十一

歲撫前室子守節七十八歲卒 劉氏冀舜妻十七歸冀

夫亡撫孤苦守七十九歲卒 郭氏白村岳生楨妻二十
一歲撫遺腹子守節七十六歲卒 榮氏北社村白良策
妻三十歲撫遺腹子守節七十四歲卒 孫氏王家嶺賈
虎妻二十一歲撫遺腹子守節七十一歲卒 田氏李肇
珍妻二十九歲守節甘貧撫孤子卒復撫孫有成七十一
歲卒 秦氏丈子頭村賈晉總妻三十歲守節遺孤珩教
撫兼至珩入邑庠七十一歲卒 勞氏庠生王兆熊妻二
十四歲守節撫孤成立七十三歲卒 張氏古城村梁玉
貴妻二十九歲守節撫孤成立七十三歲卒 孫氏王受

陽曲縣志

卷十四

列女列傳

二十八

中妻二十七歲守節撫子輔周新民成立七十二歲卒輔
周官廣東巡政廳 楊氏諸旺村郭明紘妻二十七歲守
節子早逝撫孫成立七十八歲卒 李氏古城村龐世雄
妻二十九歲守節撫孫成立七十二歲卒 程氏東坪村
龐森妻二十八歲守節撫二子成立七十一歲卒 王氏
上薛村高生泰妻十八歲守節子未週歲撫之成立七十
三歲卒 任氏馬莊監生蔣福烈妻不育妾常氏生子璽
任撫之如己出常亦事嫡如姑福烈歿任年二十九常年
二十敵庶同節俱七十一歲卒 殷氏馬莊蔚威基妻二

十六歲守節甘貧撫孤七十三歲卒 郝氏新店李表妻
三十歲守節治家勤儉訓子有方七十六歲卒 張氏直
峪村張寶珍妻十九歲撫遺腹子守節八十二歲卒
苦守立嗣享年大者十人

李氏橫渠村郭爾順妻二十二歲守節家貧女紅度日撫族
子爲嗣八十二歲卒 張氏庠生秦守銓妻懷遠將軍寶
泉曾孫女二十八歲守節撫姪承祧七十九歲卒 張氏
黃駿妻年三十夫亡家貧鍼黹度日立姪爲嗣八十歲卒
董氏馬莊蔣祚興妻二十七歲守節嗣姪苦守七十四

陽曲縣志

卷十四

列女列傳

二十九

歲卒 王氏西潘園村馮照湧妻二十七歲守節事舅姑
以孝聞立姪爲嗣七十四歲卒 張氏官坨李敦本妻
年二十夫歿於外立姪苦守七十餘歲卒 郭氏鎮城村
程鶴年妻二十八歲守節七十四歲卒 同鎮程氏庠生
劉莼妻十九歲守節七十九歲卒嗣子暨兩孫皆庠生
殷氏東莎溝賈燦妻二十二歲守節七十五歲卒 何氏
奏廷誼妻年十八夫亡立姪爲嗣苦守四十餘年其子欲
請 旌氏曰我未身事翁姑今第爲爾父延一綫祀已覺
萬幸何必多事遂止其能見大義如此

卒年未詳

一門三節

靳氏孟登受妻工文墨喜吟咏二十九歲守節五十三歲卒

王氏登毅妻亦二十九歲守節六十二歲卒 張氏登

相妻二十八歲守節四十四歲卒

養親撫孤並養親立嗣三十四人

賈氏周興源妻幼知書事翁姑惟謹二十六歲興源病篤謂

氏曰汝有孕男女未卜如死能守乎氏誓以死從夫亡懼

傷姑心時以古今書傳誦姑側以慰之數月果生男撫孤

成立姑臥床八年餘日夜奉養不少怠翁姑皆八十餘歲

陽曲縣志

卷十四

列女列傳

三十

卒喪葬如禮守節三十餘年族黨重之

劉氏馬世守妻年二十八夫亡二子相繼死家貧矢志孝養

雙親翁姑歿鬻田殯葬家益窘女紅度日春露秋霜必至

墓拜掃哭奠同里稱之

卒年未詳

郝氏張鈞妻二十四歲夫亡家貧撫遺腹子苦守事孀姑以

孝聞卒年六十九歲 郅氏小漢村馬榮虎妻二十九歲

夫亡家貧苦守孝親撫孤卒年六十六歲 王氏下安村

韓重義妻二十五歲夫亡無子翁姑年邁力貧撫幼叔苦

守卒年六十九歲 李氏庠生段縉妻三十歲守節孝親

撫孤卒年六十八歲 曹氏歇子寒劉恭妻二十六歲夫
亡翁姑年邁撫幼子苦守善持家政夫弟三人暨子皆竭
力次第授室卒年六十四歲 李氏上薛村張魁瀛妻十
九歲守節嗣姪孝親鄉里重之卒年六十五歲 楊氏邢
夢徵妻二十五歲守節養親立嗣卒年六十六歲 張氏
馬莊蔚成彬妻三十歲守節孝事孀姑撫子讀書成立卒
年六十三歲 項氏任汝翼妻二十七歲守節力貧養姑
卒年六十五歲 范氏王邦英妻二十七歲守節孝慈勤
儉孫曾入邑庠者六人卒年六十一歲 耿氏親賢村郭

福妻二十七歲守節孝親撫孤卒年五十七歲 金氏韓

芳菱妻二十歲守節翁姑老病子在襁褓苦守三十四年

王氏侯村殷世隆妻二十八歲守節孝親撫孤族里旌

之卒年六十三歲 張氏杏溝村康儀元妻儀元幼失明

夫亡子周歲氏矢守事親恤孤守節三十一年 崔氏高

白都韓重紀妻二十七歲夫歿於外氏親搬櫬歸里力貧

孝姑撫子卒年六十三歲 王氏至孝村張萬成妻翁老

病數年氏侍藥餌不少懈二十四歲夫亡撫孤成立卒年

五十八歲 楊氏張天秀妻二十一歲夫亡矢志苦守立

胞姪瀾爲嗣力貧孝親撫嗣卒年五十一歲 李氏白楊
樹村孟學堯妻二十四歲守節薄田十畝姑媳相依爲命
立族姪爲嗣卒年五十五歲 盧氏監生王晉妻二十一
歲守節撫姪承嗣姑歿哭數日而卒年四十七歲 常氏
馬佶妻二十四歲守節時姑臥床不起氏奉之數月無少
懈撫嗣子如己出卒年五十七歲 康氏盧錦妻二十五
歲守節家貧孝親撫孤卒年五十八歲 潘氏范溥妻年
二十四夫亡遺子緒功甫周歲緒謨遺腹時翁姑重慶氏
仰事俯育孝慈兼盡卒年五十七歲 邱氏橫渠村劉蔭

陽曲縣志

卷十四

列女列傳

三十二

槐繼妻三十歲夫亡己子一前子三翁姑在堂孝慈兼至
守節三十餘年卒長子瑀嘉慶庚午舉人現任直隸任縣
廂氏王蔚文妻三十歲守節兩子皆幼事重慈盡禮課
子有方次天長際亨領鄉薦任洪洞縣訓導卒年五十二
歲 潘氏溫煦妻十九歲夫亡遺子未周歲苦守養親撫
孤卒年六十歲 張氏親賢村杜宗德妻十八歲守節家
貧矢志孝養翁姑撫姪承祧卒年四十八歲 韓氏三和
店范若芝妻二十九歲守節遺子三皆幼孝親撫子卒年
五十歲長子延齡邑庠生 辛氏喬永亨妻二十一歲守

節孝親撫子卒年四十七歲 馮氏新城村賈鵬飛妻二
十歲守節撫孤養親卒年四十三歲 郝氏馬莊蔣奎妻
十二歲夫亡立姪爲嗣尋卒苦守養姑情同母女卒年四
十一歲 賈氏劉國祐妻二十二歲守節事姑以孝聞撫
子經成立卒年四十一歲 陳氏庠生張琳妻能書算年
十七適琳雙親年邁旁無所依五載夫亡孝事翁姑立姪
爲嗣守節數十年而卒

撫孤並立嗣守節三十七人

王氏東青善周山月妻二十一歲守節力貧撫孤卒年六十

陽曲縣志

卷十四

列女列傳

三十三

六歲 劉氏柴村尙唐妻二十七歲守節力貧撫孤卒年

六十九歲 李氏西潘圍孫景泗妻二十四歲立嗣守節

苦守四十一年六十五歲卒 劉氏西張村宋德禎妻二

十五歲立嗣守節歷二十二年而卒 侯氏秦潤妻二十

五歲嗣姪守節卒年五十七歲 宋氏庠生秦師妻二十

四歲守節撫子賓楚遺腹子通晉教育兼至卒年六十九

歲 田氏昭武將軍宋良佐妻二十八歲夫歿於陣撫嗣

子廷芝苦守以世襲守備封太宜人年六十卒於貴州都

司任所 劉氏王夢熊妻二十四歲守節赤貧依母家苦

守撫孤成立卒年六十歲 石氏北鄭村監生王曰旺妻
二十四歲嗣姪守節卒年六十六歲 張氏北鄭村樊大
勇妻二十二歲撫孤守節卒年四十四歲其媳李氏亦年
二十二歲守節矢志撫孤有乃姑風 劉氏北鄭村徐行
遠妻二十一歲撫遺腹子守節卒年五十二歲 郭氏東
留莊賈天德妻二十四歲守節力貧撫孤卒年六十七歲
聶氏翁銘妻二十六歲撫孤守節卒年五十一歲 王
氏陳仁明妻二十四歲撫孤守節卒年六十四歲 梁氏
古城村王國禧妻二十八歲力貧撫孤卒年六十七歲

王氏孫守經妻二十一歲嗣姪守節卒年四十五歲 賈
氏侯村劉德祥妻二十六歲撫孤苦守卒年五十六歲
金氏鄭玉和妻二十一歲嗣姪苦守卒年六十九歲 趙
氏馬家坡馬茂妻二十七歲撫孤苦守卒年五十八歲
王氏楊家井宋麟妻二十二歲立嗣苦守卒年五十一歲
裴氏大字鎮太學生榮承眷妻三十歲力貧撫孤卒年
六十二歲 劉氏附貢生阮印元繼妻二十七歲守節撫
前室子成立卒年五十三歲子合庭邑廩生 陳氏三給
村岳嵩妻二十三歲守節撫孤暨孫成立卒年五十餘歲

劉氏小棗溝胡晔妻二十一歲立嗣苦守卒年五十一
歲 馮氏西莊孫兆賢妻二十八歲撫孤守節卒年五十
九歲 金氏三畛村趙喜春妻三十歲撫孤守節卒年六
十四歲 劉氏麻楷港高紳妻十九歲夫亡遺一子後亦
夭婦他適撫孫成立卒年四十九歲 黨氏辛莊方安全
妻二十七歲撫孤守節卒年六十一歲 張氏白村岳高
照妻二十五歲力貧撫孤卒年六十三歲 金氏三和店
韓澤廣妻夫亡子幼甘貧苦守歷三十九年而卒鄉人旌
之 張氏南關閻會元妻二十二歲守節力貧撫孤歷四

十餘年而卒 孫氏馬家坡劉照華妻二十三歲撫孤苦

守卒年五十九歲 楊氏北社村白永禎妻二十八歲守

節撫二子成立乾隆四十二年卒 閻氏東菜園蕭通妻

撫遺腹子力貧守節卒年四十八歲 龐氏王翰魁妻二

十二歲守節撫孤卒年四十一歲 李氏監生王新極繼

妻年十六歸極撫前室二子如己出年餘夫亡矢志苦守

卒年三十三歲 劉氏黃土寨韓四美妻年二十二夫歿

撫二子成立親族表之

存歿未詳

無子養親苦守六人

李氏呼延村王士奎妻十八歲夫亡守節養親歷二十餘年而卒 蘇氏郭相妻二十五歲夫亡守節孝親卒年六十三歲 孫氏謝洪典妻二十二歲夫亡姑老翁病八年不起矢守事奉不懈卒年五十三歲 裴氏庠生秦縉妻二十八歲守節力貧孝事翁姑卒年四十九歲 史氏韓峻妻二十九歲守節孝事孀姑卒年六十六歲 潘氏楊家井王寶財妻二十四歲苦守孝親卒年五十四歲 無子苦守五人

郭氏西洛陰王朝紀妻三十歲夫亡苦守里人欽其節旌之

陽曲縣志

卷十四

列女列傳

三十六

卒年六十三歲 楊氏楊家村劉功典妻二十歲夫亡苦守三十餘年而卒 趙氏大東流村康爾良妻二十二歲夫亡家貧苦守歷三十五年而卒 劉氏馬政達妻二十八歲守節卒年六十歲 韋氏王文遠妻二十餘歲夫亡誓死守節獨居一院雖母家不輕往飲冰茹蘖十五載卒 烈女二人烈婦九人

韓烈女其父蓋臣許字同邑王叟子朝藩合盞有期而朝藩死計聞女請衰絰偕母往弔既至啓於母曰兒王氏未亡人無歸理願留事翁姑母憐其少弗許歸後女毀容服絕

嬉笑至不知有眠食逾年其父母以王生亡既久欲更謀聘女知將奪其志乘間投繯死死之日衣裙上下紉之甚密父母哀其志告王氏使迎其柩與朝藩合葬焉時年二十歲此乾隆十七年事二十二年郡守周公景柱立傳以表其貞 截周傳

旌

見府志
傳未詳

胡氏三和店上堡白萬寶妻年十八歸萬寶逾年夫亡氏痛絕復蘇志以死殉葬夫畢其母接之往忽夜半哭而訴曰

陽曲縣志

卷十四

列女列傳

三十七

頃夢夫作苦兒不忍其獨瘁將從地下助之母溫言慰解氏曰今有夫兄事翁姑兒又無子女累死固樂也越月歸不眠不食淚下成血一日乘間縊別室死年十九乾隆三十九年請

旌入祠督學曹公錫寶立傳

截曹傳

智氏大孟鎮趙養明妻二十八歲夫亡遺女十歲子二歲常私諭女曰日後善撫爾弟女不解其意又常與其母語曰聞夫死稱未亡人兒謂不如作從葬人母亦以爲無心之論乃居喪未踰月自縊而死事在乾隆二十年

王氏孝廉周憲詔繼室孝廉王鶴齡之女也于歸甫半載憲詔染疫疾十餘日遽亡氏痛甚水漿不入口家人百方慰解終未釋姑慮不測令氏移衾其室朝夕共之越三日晨起侍姑巾櫛畢潛於夫柩側默服鉛粉死年二十餘嘉慶年當道上其事

旌之

王氏橫渠村劉安仁妻年十七于歸未一載安仁病且篤謂氏曰我死汝年少可再適氏曰既有家復何適既而見夫病不能起遂自經其夫聞之惋痛良久尋亦終

陽曲縣志

卷十四

列女列傳

三十八

慕氏高村馬見龍妻嘉慶三年夫亡慟絕者數次時有夫弟所遺孤女未嫁強起力營嫁之卽諏日葬夫一切窀穸事備遂縊於柩側年四十五出殯之日雙棺並衢見者無不悼歎

劉氏白楊村李振清妻嘉慶十三年夫亡氏縊以殉

溫氏大牛站陳法盧妻年三十夫亡親屬逼之改適氏泣曰夫骨未寒求俟之百日後乘間自縊

王氏屋窠村張兆福妻福臥病五年朝夕奉侍不倦病篤許以死殉及夫歿出殯三日遂自縊時年二十三歲

弓氏河口村閻振貴妻嘉慶十七年有惡少戲言忿而自經
事白

旌表建坊時年二十三歲

新志節婦現年八十以上者十二人

張氏西張村宋璽法妻年二十九夫亡遺子德盛甫七齡家
貧矢志苦守養親撫孤卒年八十四歲其媳德盛妻劉氏
亦早孀撫二子守節如姑年八十二歲姑媳貞壽 唐氏
裴元妻年二十四夫亡遺子國昌家貧女紅度日養親撫
孤年八十三歲親見孫曾 平氏西洛陰王定國妻年三

陽曲縣志

卷十四

列女列傳

三十九

十夫亡遺孤二家貧女紅度日年八十二歲 韓氏南寇

莊牛先達妻年二十六夫亡女紅度日撫孤成立年八十

四歲 張氏向陽鎮潘安基妻年十九夫亡無子苦守撫

姪藻爲嗣年八十三歲 賈氏十里鋪李碧妻年二十三

守節事親撫孤年八十一歲 劉氏岡上村劉順德妻年

二十九守節事親撫孤子亡撫二孫成立年八十四歲

王氏青龍鎮王德澤妻年二十九守節年八十三歲 王

氏城內李蕙妻年二十三守節家貧撫孤子亡撫孫成立

年八十一歲 李氏南關孫廷鰲妻年二十九守節撫孤

成立年八十二歲 李氏東菜園蕭進妻年三十守節撫孤成立年八十四歲 馮氏辛村二都王振基妻年二十六家貧苦守撫孤成立年八十歲

新志節婦現年七十以上者四十人

馮氏國學李鳴臯妻故開縣典史鄆女翰林院庶子芝之胞姑母也年二十一于歸鳴臯已有疾侍藥三月而孀家無次丁氏奉翁姑生養死葬以婦代子者十六載嗣子與媳俱亡孫女亦卒志節冰霜五十年如一日年七十一歲

郭氏字文村張希寵繼妻年二十六夫亡遺子一姑老奉

陽曲縣志

卷十四

列女列傳

四十

養無違撫子成立年七十三歲 許氏後北屯閻印保妻

年二十五夫亡撫遺腹子緒矢志不渝年七十八歲 張

氏新城村張大來妻年二十八夫亡家貧資女紅孝養孀

姑足不踰戶里人賢之年七十八歲 張氏歸朝村鄭岐

瑞妻年二十八夫亡孝養翁姑撫孤成立年七十八歲

彭氏上莊村袁成春妻二十五歲夫亡子三歲翁老家貧

鍼黹度日備歷艱苦年七十五歲 劉氏北鄭村徐永旺

妻年三十夫亡遺一子誓以死守年七十四歲 柴氏麥

坪村郝金印妻年二十八守節孝事翁姑生葬如禮子一

孫二年七十三歲 楊氏向陽鎮潘趨妻夫歿年二十六
遺子三俱幼家貧姑孀氏以鍼黹度日孝親撫孤年七十
一歲 崔氏北留村裴製錦妻年二十七孀矢志守節孝
養翁姑撫孤成立年七十三歲 辛氏田富妻夫死無子
以姪存淀爲嗣孝養舅姑矢志不渝年七十九歲 程氏
史光輝妻武進士程萬里女二十九歲守節嗣子纘功年
七十五歲 樊氏東高莊史清吉妻年二十六夫亡誓以
死守年七十三歲 田氏辛村劉復仁妻遊擊田汝女三
十歲夫亡子珍甫二歲孝事翁姑內外無間年七十五歲

陽曲縣志

卷十四

列女列傳

四十一

傅氏輝家溝陳德妻二十五歲夫亡撫孤成立勤儉持
家年七十六歲 武氏韓廷貴妻二十九歲夫亡遺二子
俱幼家貧矢志守年七十四歲 劉氏辛莊村慕德芳妻年
三十夫亡遺一子幼矢志不渝撫孤成立年七十三歲
郭氏陽曲灣任德富妻夫亡年二十七遺子傑六歲孝事
孀姑俯育孤兒年七十一歲 任氏馬莊村劉朝官妻二
十六歲夫亡遺二子鋼鑑奉姑守節寡言笑甘淡泊年七
十二歲 張氏向陽村劉和妻夫歿年二十八遺子玉金
幼家貧僅有墳地半畝矢志守節年七十二歲 張氏天

門關王士選妻二十九歲守節年七十五歲四德大義能
講說於宗族間里閭重之 喬氏劉孔昭妻二十四歲夫
亡家貧無子甘心守節年七十四歲 張氏北固碾村胡
天利妻二十八歲夫亡家貧遺三子俱幼矢志守節勤苦
備至年七十一歲 王氏橋溝村劉玉昇妻二十歲夫亡
遺一子矢志靡他茹藥飲冰五十餘年鄉里賢之 張氏
大孟鎮榮必貴妻三十歲夫亡三子俱幼終歲勤勞矢志
不渝年七十七歲 李氏翟村郭乾妻沈靜寡言二十九
歲夫亡無子苦守撫姪爲嗣年七十六歲 邢氏東寇莊

陽曲縣志

卷十四

列女列傳

四十二

賈爾眞妻二十八歲夫亡無子繼姪燦爲嗣燦亡又繼孫
祥麟苦守年七十五歲 李氏唐廷琮妻二十九歲夫亡
無子遺幼女三家貧以縫紉度日值歲歉賴婿劉經奉養
艱苦備嘗年七十九歲 楊氏大孟鎮慕郁妻二十九歲
守節年七十一歲 趙氏大孟鎮劉兆緒妻三十歲守節
年七十六歲 張氏下蘭村田源妻三十歲守節撫孤年
七十六歲 王氏曹錦鳳妻二十一歲守節年七十四歲
馬氏靳人龍妻年二十七夫亡遺子魯六歲撫育成立
孫彭璋周歲魯卒氏復撫之成立年七十歲 杜氏新城

村王鳴鳳妻年二十六夫亡遺孤二氏孝親訓孤甘貧守節年七十歲 邢氏北關杜世榮妻年二十六夫亡翁姑繼逝氏日夜勤勞撫夫弱弟與孤皆成立年七十歲 溫氏白楊樹村黃瑛妻二十一歲夫亡遺腹生子家貧翁姑衰老竭力奉侍勤儉自持年七十歲 王氏陳寬妻二十五歲夫亡遺子周歲事孀姑以孝聞撫孤成立年七十歲 安氏太堡莊賈玉恭妻二十七歲夫亡苦守撫夫弟二人皆成立年七十歲 楊氏水頭村石庚午妻二十六歲守節年七十歲 張氏小臥龍村周豐烈妻二十三歲夫亡矢志守節年七十歲

陽曲縣志

卷十四

列女列傳

四十三

新志節婦現年六十以上者六十七人

孟氏後北屯翟虎妻年二十七夫亡甘心守節以姪子萬年爲嗣年六十七歲 周氏聶溶妻年二十九夫亡以鍼術度日事翁姑撫幼子盡孝盡慈年六十七歲 賈氏鎮城村樊思訓妻年二十二夫亡遺孤周歲祖姑劉姑宋及身三世孀居氏孝事無間撫孤成立年六十五歲 郭氏趙莊村傅芝妻年二十九夫亡子早卒撫孫二年六十五歲 王氏光社村張登灝妻幼工書算年二十八夫亡無子

苦守年六十二歲 杜氏新城村張誌妻年二十六夫亡
苦守嗣姪孫元承祀年六十二歲 張氏新城村王世臣
妻年十九夫亡遺子瑞雲甫數月孝親撫孤矢志守不渝年
六十二歲 陳氏辛村路恆泰妻年二十七夫亡無子家
貧姑老清節自持年六十五歲 宋氏柏井村雷震遠妻
年二十七夫亡遺幼子二甘貧撫孤年六十一歲 劉氏
鄴都村武生郭岱妻年二十夫亡遺子凌雲撫孤守節年
六十九歲凌雲入武庠 張氏三畛村王珮妻二十一歲
夫卒苦守以胞姪萬祿爲嗣孝事舅姑年六十一歲萬祿

陽曲縣志

卷十四

列女列傳

四十四

入武庠 張氏大川都東嶺上村康夢花妻二十九歲夫
亡苦守孝事翁姑以姪貴寶爲嗣年六十三歲 喬氏成
晉驛賈彩妻年十九夫卒家貧鍼黹度日撫遺腹子得泰
成立年六十二歲 侯氏程九成妻年二十九夫亡無子
孝養翁姑以姪沛爲嗣年六十三歲 張氏直峪村張尙
文妻年二十一夫亡無子嗣姪錫勉娶郭氏勉夫婦亦亡
又以姪孫本固嗣勉苦守不渝慈儉兼盡年六十九歲
劉氏大屯莊王天瑞妻年二十八夫亡子甫三歲孀姑年
逾六旬仰事俯育孝慈兼盡年六十五歲 劉氏西萬壽

村吉玉武妻年二十九夫亡家貧子幼紡績教子年六十
三歲 郭氏王謙妻年二十六歲歿于外家貧子幼紡績
度日撫孤成立後扶夫柩歸葬年六十四歲 郭氏張家
莊崔立基妻年二十四孀遺子甫數月家貧親老鍼黹度
日孝事翁姑撫孤成立年六十五歲 鄭氏西溝村盧大
文妻二十一歲夫亡子幼翁姑繼逝氏與叔母同居奉事
惟謹年六十八歲 楊氏許化龍妻年二十九夫亡孝養
孀姑撫孤子殿丞成立年六十三歲 李氏楊家莊靳德
俊妻二十二歲守節子文華武庠生早卒遺孫二母儀婦

陽曲縣志

卷十四

列女列傳

四十五

德鄉里稱之年六十九歲 王氏水泉溝賈興功妻年二
十六夫亡舅姑年邁家貧以女紅奉養撫子通成立年六
十二歲 張氏西張村宋正君妻年二十九孀遺子幼舅
年八十癱於床氏奉侍五年如一日撫孤成立年六十二
歲 李氏王保珍妻三十歲守節撫孤成立子亡課孫元
成持家爲巾幗完人年六十七歲 周氏朱泰繼妻二十
五歲守節孝事翁姑撫前子如己出年六十七歲 郭氏
李忠妻二十九歲守節撫二子成立年六十一歲 裴氏
螻蝻村劉時敏妻二十二歲夫卒無子苦守不渝以兄子

聖貽爲嗣年六十餘村人欽其節立匾表之 王氏東潘
圍村郭倚雲妻二十七歲夫卒無子二姪俱幼姑年近七
旬氏以女紅度日事姑撫姪備極艱辛年六十九歲 龐
氏辛村高岐妻年三十夫亡遺子四歲撫孤成立志操冰
霜年六十六歲 韓氏楊家峪楊柱妻年二十八夫亡二
子與媳又相繼亡氏撫育二孫艱苦備嘗年六十三歲
田氏親賢村劉謙妻二十五歲夫亡家貧子幼矢志苦守
年六十六歲 孟氏西留莊路健妻二十三歲夫亡子幼
矢志撫孤備歷冰蘖年六十七歲 宋氏賈世模妻年二

陽曲縣志

卷十四

列女列傳

四十六

十六守節撫孤奉養孀母克盡孝道年六十七歲 喬氏
小返村王際盛妻二十六歲夫亡家貧艱苦萬端撫二子
成立年六十三歲 孟氏辛村張福妻三十歲夫亡遺幼
子二家貧無依堅貞自守年六十二歲 李氏侯承謨妻
年二十夫亡遺孤衛甫月餘以女紅度日撫孤成立年六
十二歲 張氏三畛村趙鳳翔妻年二十七夫亡子幼矢
志不渝撫孤成立年六十七歲 賈氏馬家坡劉廷詔妻
年二十六夫亡遺子徽幼氏孝親撫孤內外無間年六十
二歲 張氏陳廷佐妻年二十四夫死遺子甫齡家貧無

依矢志守節年六十五歲 孟氏天門關王仲璠妻二十
一歲守節言笑不苟內外宗族稱其賢年六十六歲 馬
氏蘭岡村郭秀榮妻 十四歲孀遺子維藩甫三月撫子
苦守年六十一歲 賈氏石城村王秉鈞妻三十歲守節
年六十七歲 劉氏馬頭水張景發妻二十九歲夫亡撫
幼子成立年六十二歲 王氏張寅妻二十七歲夫亡撫
幼子弱孫成立年六十五歲 傅氏郭世福妻二十九歲
守節年六十一歲撫嗣子燮入武庠 馬氏泉溝村王續
遠妻年二十八守節撫孤年六十一歲 史氏白村李時

張敏妻年二十八守節嗣姪子明陽爲後年六十三歲 張
氏享堂村李模妻三十歲守節年六十九歲 王氏南寨
村任義妻二十四歲守節撫幼孤成立年六十四歲 趙
氏王心坪張瑞山妻年十九夫歿遺子周歲糟粕自奉甘
旨養親苦節撫孤孝慈兼至年六十五歲 李氏柏板村
鄭鉅妻二十二歲夫亡遺子甫八月姑七十餘孝親撫孤
年六十歲 張氏東高莊史振才妻年十七生子夫外出
十年而亡家貧孝事翁姑撫子成立年六十歲 胡氏蒲
子村溫肇基妻二十二歲夫亡遺腹生子矢志撫孤年六

十歲 閻氏李家社村康濟川妻庠生閻本敬女二十八歲夫亡遺二子家貧艱苦自矢撫孤成立事翁姑克盡婦道年六十歲 沈氏王封村周煥章妻二十九歲守節孝事翁姑撫孤成立年六十歲 陳氏王柏齡妻二十八歲夫亡家貧守節年六十歲 張氏翟村趙普妻年二十四夫歿遺子科柱甫一歲事祖母孀姑孝養無間年六十歲 曹氏蘭岡村許復來妻年二十九夫亡三子俱幼家貧苦守年六十歲 張氏三和店郭聚珍妻三十歲夫亡家貧無子矢志守節年六十歲 張氏金岱妻二十七歲夫

卒無子苦志守節年六十歲 張氏范家莊康琳妻二十二歲守節孝養翁姑處妯娌無間言年六十歲 薛氏馬莊村庠生崔啓望妻年二十九夫亡遺子鳳翥孝養翁姑撫孤成立年六十歲 王氏新店鎮張斌妻守節三十年年六十歲 駱氏東張村宋瑛妻年二十六夫亡苦守事翁姑以孝聞撫嗣子元功成立年六十歲 張氏韓文通妻二十九歲夫亡遺子生未百日祖姑在堂矢志孝養撫孤成立年六十一歲 高氏移村張萬喜妻三十歲夫亡子幼家貧鍼黹度日年六十四歲

新志節婦現年五十以上者四十三人四十以上一人

楊氏柏板村鄭縉妻二十六歲守節遺孤甫周歲勤苦自給
年五十八歲 段氏李懷瑾妻年十九于歸爲祖姑所鍾
愛五載瑾歿氏截髮矢死三黨諸媼以存孤大義挽之自
是遂嬰肺腑之疾猶力疾事親含辛撫孤至今三十一年
周氏柳巷孫俊妻十八歲于歸生子未周祖姑及翁與
夫相繼歿時年二十六矢志守節備歷艱辛事孀姑終老
訓幼子入庠年五十八歲 李氏西鳴村任生桂妻年二
十四夫亡遺腹子繡孫二年五十五歲 崔氏西鳴村張

陽曲縣志

卷十四

列女列傳

四十九

燕妻二十七歲夫亡苦志守節年五十八歲 李氏范越

繼妻十九歲守節撫前子如己出子歿抱他姓子爲孫續

范門嗣辛苦教育撫之成立年五十一歲 喬氏西村傅

琮妻年二十七守節撫孤年五十七歲 閻氏蘭岡村郭

鳳翔妻年十九夫亡事孀姑以孝聞撫孤苦守年五十五

歲 胡氏庠生范緒謨繼妻年二十二夫亡事翁姑克盡

婦道撫前子成立甘貧守節年五十二歲 張氏馬莊村

劉瓚妻年十九夫卒無子矢志守節以胞姪庠生邦彥承

嗣氏事親訓子兼盡其道鄉里賢之年五十歲 徐氏北

塌地村蕭純智妻二十三歲夫亡撫孤養親矢志守節年五十六歲 閻氏宇文村張致中妻二十六歲夫亡無子姑亡夫弟數歲氏念七世單傳誓不他適翁八十餘孝事以終撫幼叔婚配成立年五十八歲 魏氏祿古嘴生員劉玉堂妻二十一歲夫卒無子以姪爲嗣教養兼至勤儉持家年五十三歲 陳氏巷口村趙珍妻二十四歲夫亡無子矢志守節嗣堂姪承祧年五十六歲 許氏向陽鎮劉世臣妻年十九夫亡遺腹生子甘貧撫孤矢志守靡他年五十四歲 王氏呼延村王敦妻二十三歲夫亡遺腹子照南奉養舅姑撫孤苦守年五十三歲 石氏馬莊劉溥元妻二十二歲夫亡遺子璽二歲氏撫之成立訓以義方孀姑在堂奉養盡禮歷三十餘年不懈 田氏狄村任大元妻二十二歲夫亡遺幼子二家貧苦守撫孤成立年五十八歲 程氏思西村白彰善妻二十三歲夫亡翁姑勸婦他適婦泣曰孕已三月矣果生男翁姑喜甚婦亦矢死靡他撫孤成立年五十五歲 丁氏辛村王萬齡妻河南原武縣丁廣榮女年二十七夫亡子愷三歲冰心守節年五十七歲 馮氏鎮城村樊仲綸妻二十歲守節孝事舅

姑和睦宗族嗣子廷臣年五十九歲 韓氏陽曲灣劉成財妻年二十六守節遺子慶元四歲仰事俯育精勤不懈年五十八歲 傅氏戴莊村戴汝楫妻二十二歲夫亡無子稟性幽貞持家勤儉年五十五歲 王氏向陽鎮潘龍繼妻年二十四夫歿事孀姑撫幼子年五十七歲 劉氏白村副貢岳華妻夫亡年二十七遺子維垣未周氏撫子奉姑姑兩目皆盲動履須人氏扶持不離左右姑八十八歲卒氏年五十六歲 岳氏三和店范遐齡妻年二十七夫亡遺子士德四歲家貧破屋數間女紅自給撫孤成立

陽曲縣志

卷十四

列女列傳

五十一

年五十五歲 孟氏理問職阮膺蒲妻二十八歲夫亡遺子秀升三歲姑加氏年逾七旬矢志養親撫孤成立年五十九歲秀升庠生于道光十六年請 旌 賀氏張熙妻三十歲夫亡姑病臥床夙夜奉事惟謹撫孤成立年五十二歲 李氏張佩妻年二十一夫亡無子矢志柏舟以姪子廷樞爲嗣翁患癱症姑失明謹事十餘年不懈又姪子周歲母亡撫育如己出年五十四歲 曹氏小泉溝村董二毛妻二十一歲守節年五十三歲 張氏高翥妻年二十一夫歿家貧守節年五十四歲 劉氏馬頭水張景

文妻年二十七夫亡以姪爲嗣撫養成立年五十七歲
薛氏大南關孫廷彥妻年二十七夫亡甘貧撫子年五十
八歲 張氏高泰妻年二十二夫亡家僅薄田五畝資女
紅仰事俯育年五十一歲 張氏小南關郭芝茂妻十七
歲于歸舅與夫先後卒於異鄉時年二十七遺二子尙幼
女紅度日嗣因祖母誕辰丐親族資扶舅與夫櫬歸里親
身驗視而葬祖母終殯葬如禮年五十六歲 慕氏高村
喬世和妻年二十六夫亡立嗣守節年五十三歲 王氏
泉溝村王繼遠妻年二十四夫亡立嗣守節年五十五歲

陽曲縣志

卷十四

列女列傳

五十二

史氏大孟鎮榮卓妻年二十五守節撫孤成立年五十

六歲 張氏王翰才妻年二十二夫卒家貧守節撫孤年

五十八歲 張氏韓家寨韓會元妻年二十四夫亡無子

矢志守節年五十三歲 劉氏北關王汝霖妻年十九夫

亡苦志守節年五十歲 杜氏北鄭村李萬雲妻二十四

歲夫亡遺子作霖未周歲家貧女紅度日嫂亡遺姪幼氏

撫子姪無間年五十九歲 楊氏本城張翰圖妻二十二

歲夫亡無子矢志守節孝養翁姑年五十八歲 郭氏天

門關王耀魁妻十九歲夫歿無子矢志守節孝養翁姑撫

夫弟斗魁自幼至長恩禮交盡翁姑歿斗魁幾忘其爲失
怙恃人也嘗語人曰老嫂比母若吾嫂斯堪比母矣年四
十九歲

以上現年節婦均依十一年採訪原稿奉 榆村李公

祖批准錄入至開雕時已隔十數年矣其中存歿不暇
另行採訪仍之

補遺

韓潤姐松花坡韓雲女家貧僦居郝三後院郝素不軌一日
雲出潤姐母至郝妻房中絮語郝時微醉乘間逼潤姐潤

陽曲縣志 卷十四 列女列傳 五十三

姐忿急呼母至郝已遁雲歸女哭訴於父曰兒不得爲人
矣翌晨自經死時年十七事白蒙

旌

案此乾隆四十三年二月十八日事府志修於乾隆四
十八年相距僅五載且近在城中不應漏探府志烈女
載韓愛姐自縊蒙 旌事類此惜是一是二無從詳考
今新志已付梓偶入市得潤姐當年府縣詳稿廢册急
袖歸補傳於後亦足見貞烈之不能泯矣道光癸卯孟
夏閻佩注謹識

武氏小峪溝村童生侯福喜妻端莊勤慎事孀姑李氏與祖
翁姑無間言生女銀姐四歲夫肄業晉陽書院姑李一日
至母家囑夫弟某守門某素無賴乘夜以私迫之氏忿極

大喊某懼取麵杖傷氏額角腦後氏暈絕倒地用繩勒死并將銀姐掐斃滅口翌日哀求父母與嫂蒙蔽以自縊告初次勘驗竟未實後氏兄武榮蘭察有異情稟請開棺覆驗時事經七月屍身未腐冤得白蒙

旌事在乾隆五十四年

李氏趙道峪村張德榮妻二十六歲夫亡家貧守節孝事孀姑撫育孤子恆成立年七十三歲

趙氏光社村張設妻十九歲夫亡無子撫夫弟孝成立守節四十年卒

陽曲縣志

卷十四

列女列傳

五十四

高氏白道村王文霖妻二十一歲夫亡無子以姪良謨爲嗣時舅姑在堂仰事俯育孝慈兼盡里人重之六十四歲卒道光八年

旌表入祠

王氏高白五都陳廷桂妻二十九歲夫亡事姑撫子誓不二天道光十四年請

旌

張氏堡符五都賈夢祥妻二十四歲夫亡上事舅姑下撫幼子成立道光十五年請

旌

劉氏堡符一都賈訓繼妻二十八歲夫亡奉養孀姑撫育幼

子道光二十一年請

旌

盧氏曹坪村弓海倉妻二十一歲夫亡遺孤三開甫二月餘

撫育成立道光二十二年

旌表建坊

孟氏城居劉德嵩妻二十六歲夫亡遺孤槐甫周歲甘貧守

節事繼姑以孝聞姑病臥床氏竭力奉養十餘年不少懈

陽曲縣志

卷十四

列女列傳

五十五

撫槐成立年六十一歲

金氏城居田秉誠妻二十一歲夫亡無子以姪雙印爲嗣甘

貧守節志凜冰霜時重慶在堂孝養無間而祖姑年邁龍

鍾氏奉之尤謹持家勤儉至今上下和睦無閒言年五十

一歲

劉氏城居郝榮亨側室緒東之生母也年二十夫卒遺東三

齡時正室在堂家又貧氏矢志不二事嫡盡禮操作自任

撫東嚴慈不少假東讀書未成長充縣禮書忠厚樸愿有

儒素風人以爲賢母之教云年六十四歲

金氏三和店韓賞妻二十八歲夫亡遺子長泰遠泰俱幼氏
冰霜自勵撫二子恩勤教誨咸克成立至今守節四十餘
年

李氏大孟鎮榮際泰妻二十九歲夫亡無子誓不二天撫姪
增爲嗣時重慶在堂養生送死盡孝盡禮年六十歲

張氏庠生梁全祿妻十五于歸越五載全祿亡家貧無子翁
姑早逝遺夫弟全忠全義俱未冠氏矢志苦守以鍼黹度
日卒佐兩夫弟成立梁門賴以勿替者氏之力也以姪俊
嗣至今守節四十九年

陽曲縣志

卷十四

列女列傳

五十六

趙氏窩子村金文英妻二十七歲夫歿翁姑在堂遺子綿武
二齡上事下撫矢志不二至今守節三十一年

韓氏中社村徐定全妻二十三歲夫亡遺一女舅姑欲奪其
志氏以死自矢奉養無缺後舅姑及女繼歿家綦貧氏仰
賴十指生活熒熒孤守艱苦備嘗年五十九歲

賴氏城居副貢陳鐘繼妻二十四歲夫亡遺子幼矢志守節
奉侍孀姑後子殤以姪文黼爲嗣年五十九歲

郭氏歸朝村鄭岐福妻年二十六歲守節撫子生肅成立
閻氏鄭岐祿妻年二十七歲守節撫子生光成立 張氏

鄭岐禎妻年二十五歲守節無子以姪生耀爲嗣時稱一門三節郭年七十三歲閻年七十二歲卒張年七十一歲劉氏北鄭村李根萬妻二十歲夫歿家貧姑老遺孤二齡氏以婦代子以母兼父辛勤備歷卒年五十九歲

周氏思西村白闔然妻十九歲夫歿矢志靡他侍奉翁姑克全節孝撫姪天藍爲嗣年六十一歲

梁氏河口村從九品閻廣思妻年七十八歲親見五世

李氏河口村閻萬芳妻今一百四歲親見五世

